

## Massive 103.5 FM t'e radioemisora nobo pariba di brug



**DURANTE** di ultimo dianan nos a bin ta tuma nota di rumornan basta persistente riba rednan social cu Aruba pronto lo por conta cu un radiostacion nobo riba e banda di FM. Hasta ta wordo menciona cu despues di 10 aña pariba di brug lo por conta un biaha mas cu un radiostacion riba e banda di FM pa cual nos a dicidi di sali y busca mas informacion si e rumornan aki por ta cuadra cu e realidad.

E informacionnan preliminar ta muestra cu di berdad equiponan ultramoderno p'e stacion nobo aki a yega Aruba caba y ta instala wardando e aprobacion di DTZ pa den e proximo dianan cuminsa cu nan transmisionan di prueba.

Por corda cu ta exactamente 10 aña pasa pues na 2007 cu e ultimo radiostacion pariba di brug Radio Caruso Booy a sera su portanan y semper a keda un anhelo bou di e pueblo di San Nicolas pa haya un radiostacion bek pariba di brug.

Tin basta speculacion den e lineup di DJnan cu lo ta formando parti di e radiostacion aki, pero gerencia ainda ta den e fase di negociacion y asina cu esaki ta cla nan lo tene un rueda di prensa p'asina anuncia e fecha di apertura como tambe kende t'esnan cu lo ta encarga cu e programacion di e radiostacion nobo aki.

Unico cos cu nan por a confirma pa awor ta pa keda pendiente p'e transmisionan di prueba proximamente di Massive 103.5 FM for di San Nicolas, Aruba.

Y cu su doño ta Minister Mike de Meza, maske cu esaki tampoco a ser confirma, pero tin tur indicacion cu t'asina ta.